

INUUT ATAQATIGIIT

INATSISARTUNI



Aasiaat 17. februar 2016

Inatsisartut suleriaasianni § 37 naapertorlugu Naalakkersuisunut imaattunik apeqqutissaqarpunga:

Naalakkersuisunut apeqqutit:

- 1) Inatsisinut allannguutinut atatillugu inatsisit ataatsimoortillugit allanneqarnissaannut Naalakkersuisut aallarniinalersaarpat?**
- 2) Inatsisinut allannguutinut atatillugu inatsisit ataatsimoortillugit allanneqarnissaanni suut iluaqtissatut suullu ajoqtissatut Naalakkersuisuniit isumaqarfingineqarpat?**
- 3) Soorlu uanga taamatut isumaqartunga, inatsisit ataatsimoortillugit allanneqarnissaat inatsisitigut isumannaatsuunissamut, eqqortumik pineqarnertut misigisimanissamut minnerunngitsumillu inatsimmut tunngatillugu innuttaasut (inuussutissarsiorneq ilangullugu) tamakkiisumik iluuseqarnissamut periarfissaqarnissaanut tunngatillugu nukittorsaassaaq, tassa inatsisip eqquutsinneqarnissaanut inatsisillu periarfissiissutaanik atuilluarnissaq eqqarsaatigalugu. Naalakkersuisut aamma taamatut isumaqarpat?**
- 4) Taamatut inatsisit ataatsimoortillugit allanneqarnissaasa Nunatta karsianut aningaasatigut allaffissornikkullu naatsorsuutigisatut kingunissaannik Naalakkersuisut paassisutissiisinhaappat?**
Inatsisartuni ilaasortaq Peter Olsen, Inuit Ataqatigiit

Tunngavilersuut:

Kalaallit Nunaanni pinerluttulerinermi inatsimmi §123-imi ilaatigut ima allassimavoq:

"§ 123. Pissutsit sakkukinnerusumik pineqaatissiinermut imaluunniit pissutsit najoqqutaralugit pineqaatissiinngitsoornermut patsisigineqarsinnaasutut naatsorsuunneqarput

1) iliuuseqartoq iliuuseqarsimappat inatsisit, iliuuseqarnissamut inerterisut imaluunniit peqqusit, utoqqatsissutaasinnaasumik ilisimanagit imaluunniit utoqqatsissutaasinnaasumik paasinerlullugit, [...]"

Ataatsimulli isigalugu inatsisip unioqqutinneqarnissaanut inatsimmik ilisimannissimannginnej utoqqatsissutit atorneqarneqarsinnaanngilaq. Tassanilu innuttaasut tamakkerlutik inatsimmik ilisimanninnissaat taamatullu malinnissinnaanissaat pisariaqarput.

Inatsisit innuttaasunik attuisut ilarpassui arlaleriaqisumik allannguuteqartarsimapput, tamannalu "inuinnaat", aammali sullissisut, inatsimmik paasinninniarnissaannik ajornakusoortitsisinjaasapoq. Isumaga naapertorlugu tamanna inatsisitigut isumannaatsuunissamut ajornakusoortitsisuuvooq inatsisillu tamakkiisumik atorluarneqarsinnaanerannut killiliisuulluni.

Tassunga Aatsitassanut Inatsit assersuutissaqqissuuvoq, taannami 2010-mi atuutileramili pingasoriarluni allanngortinneqarsimavoq, tassani ilaatigut innuttaasut mineralinik atuisinnaanerinut periarfissaat ersarissarneqarsimallutik. Periarfissalli (killiliisullu)

tamakkiisumik paasisinnaanissaat ajornakusoorsinnaavoq, tassa taakkua ilaat inatsisip 2010-mi pileqqaerneraniimmata ilaallu kingorna allannguutissatut siunnersuutiniillutik.

Isumaga naapertorlugu ataatsit ataasinngortinneqarluni allanneqarpat innuttaasut periarfissaasunik atuilluarnerusinnaanngussapput.

Assersuutissat allat tassaapput;

Isertitanit akileraartarnermut inatsit 2006-milli 8-eriarluni allanngortinneqarsimasoq,

Aalisarnermut inatsit 1996-milli 12-eriarluni allanngortinneqarsimasoq,

Nioqqutissanik eqqussinermi akitsuutinut tunngatillugu Inatsisartut inatsisaat, 1992-milli 15-eriarluni allanngortinneqarsimasoq.

Ingerlaavartumik inatsisit tamakkua ataatsimoortillugit allanneqartarnissaannut periarfissamut atatillugu Naalakkersuisut isumaat tusarusuppara, kiisalu taamaattoqassappat kingunissaannut Naalakkersuisut aamma naliliinerat tusarusullugu.

Ullut suliffiusut qulit iluanni apeqqutima akineqarnissaat kissaatigaara.